

Mirsad Hadžikadić:

Za dva dana treba da održimo još jednu mirnu protestnu šetnju, u drugom gradu, u Tuzli. Nažalost, iznenada je i u Tuzli i u Sarajevu broj novih Covid-19 slučajeva naglo porastao. Zato je pitanje za Tuzlu trebamo li to uopšte uraditi. Lokalna organizacija to zagovara, ali mi se bojimo percepcije da ćemo doprinijeti tome. U Sarajevu je broj slučajeva naglo porastao tokom posljednja dva dana. Vladajuće stranke su se prepale protesta, pa tu situaciju koriste da tvrde kako smo vjerovatno nekako i mi tome doprinijeli. Novine su pune vijesti da su organizovana tri velika protesta tokom zadnjih 20-tak dana, pa iako se to desilo prije 14 dana, a 14 dana je period inkubacije, vladajuće stranke iznenada pokušavaju da u suštini kažu da smo mi doprinijeli tome i da smo odgovorni. Dakle, to će biti još jedna bitka. Počele su mnoge zlobne bitke, na mnogobrojne načine, fabrikacije i ostale stvari protiv mene, i sad će biti teško. U novinama i vijestima će se govoriti o protestima u svjetlu doprinosa širenju korona virusa. To je zaista smiješno jer svi smo bili zaštićeni, svi učesnici, i prošlo je 14 dana a ništa se nije dogodilo. Niko i ne spominje da su u tom periodu oni zapravo popustili sve mjere zaštite, i da su ljudi počeli da se ponašaju normalno kao i prije svega. Prošlo je već 14 dana kada su milioni ljudi normalno hodali i mogli doprinijeti, ali oni sada govore kao da je baš ovo doprinijelo. Dakle, doći će do PR bitke sada na neko vrijeme, a zatim ćemo vidjeti kakav učinak će to imati. Najavili smo 2-3 nove protestne šetnje, a to će uticati na našu mogućnost da te šetnje zapravo izvedemo. Vjerovatno ćemo to morati obustaviti. Večeras je sjednica našeg predsjedništva odnosno upravnog odbora pa ćemo vidjeti kakvu odluku će odbor donijeti u vezi protesta u subotu u Tuzli. Bit će to teška odluka, i nezgodan je trenutak jer imali smo i još uvijek imamo momentum pa oni koriste sve što mogu da nas zaustave i da ocrne sve što radimo. Šta se može, takav je život.

Clark Curtis:

Znam. Čini se kao da ih tjeraš da izađu iz *statusa quo*. Tako stvari stoje. Imate lokalne izbore i onda predsjedničke izbore za samo dvije godine, i konačno se neko unaprijed tjera da zapravo uradi nešto, umjesto da se samo sjedi i pozira za izbore.

Mirsad Hadžikadić:

Da, bit će vrlo zanimljivo vidjeti šta će se desiti i kako. Lokalni izbori uopšte nisu sigurni. Sredstva za taj dan su trebala već biti alocirana za Centralnu izbornu komisiju, kako bi oni

organizovali izbore. To nije učinjeno. Dakle, postoji mogućnost da vladajuće stranke to iskoriste da kažu da se izbori ne mogu organizovati. U suštini oni ne žele da alociraju sredstva za to, a Centralna izborna komisija čeka da oni to urade. Imaju mehanizam da odgađaju izbore zauvijek. S druge strane, čak ni ne govore o izborima u Mostaru, tako da je ovo zaista teška situacija. Ne znam da li će izbori uopšte biti održani. Mi postajemo sve spremniji i imamo sve više kandidata koji se odlučuju za to da se njihova imena pojave na glasačkim listićima. Mnogi sada dolazi u naše redove. Njih je probudila činjenica da mi razmišljamo drugačije, da smo drugačiji, da su mnogi mladi sa nama. Probudila ih je i protestna šetnja, gdje je viđena ogromna snaga iza nas. Jedina stvar koja zapravo nedostaje je međunarodna zajednica. Zapravo, nekoliko stvari me uznemirava. Razumijem kako bi se opozicija ponašala, i kako bi se vladajuće stranke ponašale kao reakcija na našu inicijativu. To je bilo predvidivo. Međutim, nisam znao kako će mediji reagovati i kako će ambasadori međunarodnih snaga reagovati. Pomislio bih da će mediji skočiti na činjenicu da je tako veliki broj ljudi izrazio primjedbe i protestovao protiv stanja u državi, i da će mediji prepoznati snagu i veličinu protesta. Mislio sam da će zapravo obratiti mnogo pažnje na to da je jedna stranka dovela toliko ljudi, što nijedna stranka nikad do sad nije uspjela. Ne znam kad je zadnji put iko izveo toliko ljudi. Međutim, oni su se s jedne strane fokusirali na postojeće priče o kriminalnom ponašanju onih na vlasti koji su naručivali respiratore za borbu protiv pandemije korona virusa, i takve stvari. S druge strane, u skoro svim izvještajima sa protestne šetnje, vođe opozicionih stranaka koje su se pojavile na početku protestne šetnje su dali izjave, i time su prikazali kao da smo protestnu šetnju organizovali svi mi. Očekivao sam da ambasadori odnosno predstavnici međunarodne zajednice u Bosni i Hercegovini budu šokirani tolikim brojem ljudi i da pozovu nas odnosno mene da razgovaramo o tome i da vidimo šta se zapravo dešava iza svega toga. Međutim, niko od njih nije ništa rekao, a danas u vijestima čitam da nastavljaju da razgovaraju sa vođama nacionalnih stranaka o rješenju za Mostar, na primjer. Kredit od međunarodne zajednice se konačno povlači i raspoređuje. Kad je riječ o Mostaru, mi smo kreirali prijedlog rješenja i trebali bi barem odgovoriti na to i reći nam da nije dobro, da je loše, da ne može funkcionisati zbog a), b) i c) razloga. Ali nemojte to samo ignorisati i vratiti se onima koji su prouzrokovali taj problem i očekivati da oni to riješe. Međunarodna zajednica zna, a i mi svi znamo da je način na koji ti ljudi djeluju to da zapravo „pregovaraju“ sa

međunarodnom zajednicom. „Mi ćemo napraviti korak prema rješenju, ali nam treba vaša pomoć s druge strane.“ A to bi moglo biti da ne dopuste da se dozvoli elektronsko glasanje, ili da se promijeni Izborni zakon u skladu sa njihovim željama, i tako dalje. To je predvidiv scenario koji je u ovoj regiji viđen toliko puta, i jednostavno ne razumijem međunarodnu zajednicu. Kad god imaju priliku da naprave veliku razliku, da dovedu nove ljude, oni to ne uspiju, nego se vraćaju viđenom, predvidivom, poznatom, i tako gube prilike. Ali, takav je život, šta se može.

Clark Curtis:

Imali ste prilike tokom zadnjih sedmicu dana za više širenja, sastanaka i takvih stvari, s obzirom na to što se dešavalo u zemlji. Sad je širenje i dopiranje do ljudi moguće.

Mirsad Hadžikadić:

Pa, imao sam mnogo razgovora i sastanaka sa poznatima i nepoznatima, koji su mi se obratili i rekli da žele razgovarati, pa smo to i radili. Razgovarali smo o tome kako smo mi odbili opoziciju. Jer, ja sam progovorio o njihovom malodušnom načinu podrške. Ja sam očekivao da oni šetaju s nama i da pozovu svoje pristalice da šetaju s nama, ali oni to nisu uradili nego su samo izašli i dali izjave. U tom smislu sam u suštini sada rekao da smo sami i da tome prilazimo sami, i od tada se mnogo razgovora u medijima dogodilo o tome kako mi dijelimo opoziciju. Međutim, naša baza je regenerirana činjenicom da smo rekli da ne idemo ni sa kim, da ne ulazimo u koaliciju sa drugim strankama, da se borimo sami. Država kao da je očekivala neki pokušaj da se ujedini opozicija, i mislili su da ćemo mi to uraditi. Ali, ja vidim opoziciju, a oni su kao i vladajuće stranke. Jednom kad dobiju priliku da vladaju, oni se ponašaju slično. Oni pokušavaju, odnosno neki od njih pokušavaju da djeluju drugačije. Međutim, nakon nekog vremena oni se jednostavno vraćaju ustaljenim praksama. Dakle, to je privuklo medijsku pažnju na nas duže nego bi se to očekivalo od protesta, a sad ćemo biti u vijestima zbog povećanog broja slučajeva korona virusa. Odluka o Tuzli će biti interesantna. Željeli smo posjetiti i Bihać, Banju Luku, Zenicu, Novi Grad kako bismo i u njima organizovali proteste, a sad je sve to upitno. Kad je u pitanju broj slučajeva, očekivano je bilo da će se povećati broj slučajeva s obzirom da su pravila odnosno mjere zaštite popuštene pa su se ljudi vratili uobičajenom načinu života. Međutim, zlobni ljudi u suštini kažu da smo mi odgovorni za to.

Clark Curtis:

Kako se to odvija za vas? S jedne strane se bavite vladajućim strankama, a sad je tu i opozicija koja bi voljela da saraduje, i čini se kao *status quo* po pitanju toga kako vi djelujete i kako ti zauzimaš stav, pa djeluje kao da se Platforma sada ne bavi samo onima na vlasti, nego i opozicijom koja želi biti na vlasti. Vi ste tu treći, i čini se da lista opozicije Platforme raste.

Mirsad Hadžikadić:

Da, sada smo u poziciji da smo protiv svih; protiv onih lijevo i onih desno, i onih na vlasti i opozicije. Iskreno, ne mislim da je to loša pozicija, jer nedostaje povjerenja prema svima kad se pogledaju uobičajeni političari i politika. Mi se borimo zasnovano na našim principima, i mislim da ćemo pobijediti u toj borbi pozitivnog doprinosa načinu na koji ljudi posmatraju vlastitu odgovornost prema svojoj zajednici, prema državi. Pa, vidjet ćemo. Da, nije lako biti sam protiv svih, i bilo bi lakše pridružiti se opoziciji. Ali, znate šta, mi nismo ni pozicija ni opozicija. Mi nismo parlamentarna stranka i nemamo predstavnike ni na jednom nivou vlasti. Stoga mi imamo drugačiji status po pitanju toga. Jedina stvar koju možemo uraditi je da odlučimo kako da donesemo promjene u ovoj državi na najbrži mogući način. Znam da je to brže jednostavnim udruživanjem snaga sa opozicijom. Ali, to predstavlja i opasnost. Prije svega, oni žele udružiti snage s nama kako bi nas na neki način podčinili, kako bi nas u suštini uveli u svoje redove i umanjili našu privlačnost. Jer, ako smo s njima, onda su sve stranke koje su u koaliciji jednako privlačne, i mi im dajemo tu validnost. Na taj način, učlanjenje novih članova u bilo koju opozicionu stranku bi bilo u redu, odnosno barem tako bi mislili. Ja to ne želim. Mi bismo opravdali njihov način djelovanja jednostavno time što bismo bili s njima. Mi imamo načela. Ne želimo vrstu dogovora prema kojoj kreiramo jednu listu kandidata gdje su neki od njih naši a neki njihovi, jer mi bismo izgubili u tom slučaju. Oni su ustanovljene stranke i imaju kandidate posvuda, imaju historiju, a mi smo novi i svježi i dobili bismo vrlo malo davši njima pečat odobrenja time što bismo rekli da ako ljudi mogu vjerovati nama onda mogu vjerovati i njima. Znamo da im se ne može vjerovati, odnosno njihovim predstavnicima, njihovim vođama stranaka. Ne. Zato smo mi definitivno na pravom putu. Moramo imati ove izbore, moramo predložiti svoje kandidate i vidjeti kako ćemo proći na izborima. Nakon toga možemo pričati o

mogućim koalicijama u raznim opštinama. Ali do tada smo ok sami. I da, u pravu si, postoji osjećaj bitke i da smo sami protiv svih. Ali u nekom smislu to nam daje još više energije.

Clark Curtis:

Mislim da bi protestne šetnje u ostalim gradovima osnažile vaš imidž. Čini se da su one i značajnije zbog opozicije i vladajućih stranaka, ali naravno, to pokazuje snagu koju vi imate da realizujete te šetnje u budućnosti, pa su one čak i značajnije sada nego ranije, pretpostavljam.

Mirsad Hadžikadić:

Da. Te protestne šetnje su zaista moćne, i one šalju poruku. Ja mislim da je to naš način da se determiniramo u odnosu na ostale. Mi se ne bojimo da izađemo na ulice i pošaljemo poruku na miran i dostojanstven način, ali ipak jasno izrazivši protest. Nažalost, situacija sa korona virusom će nas usporiti. Ako ovi loši dečki na vlasti učine po svome, a oni imaju u svojim rukama i sudstvo i sve, i ako odluče da se snažno bore protiv nas po tom pitanju, onda će biti zaista teško, ali to neće zaustaviti našu sposobnost da izvedemo ljude na ulice, što je ono što oni žele. Mislim da ćemo to upravo tako predstaviti: da se oni ne bore za interese naroda nego upravo protiv interesa naroda tako što im oduzimaju mogućnost čak i da izraze svoje mišljenje. Čak je nekoliko ljudi unutar Platforme za progres iznijelo stav da su možda i ovi novi slučajevi korona virusa fabricirani samo kako bi se poslala ta poruka. Međutim, ko zna. Mi ćemo se definitivno boriti da to preokrenemo u našu korist, ali interesantno je pa čak i zvaničnici sad govore o tri velika protesta, a niko ne govori o mjerama koje su popuštene.

Clark Curtis:

Pretpostavio bih da u budućnosti želite biti inkluzivni i da ste pozvali opoziciju da učestvuje i u ostalim šetnjama, ali sada morate predvidjeti da, ako se pojave na ostalima, pokušat će da ukradu slavu.

Mirsad Hadžikadić:

Da, zato smo prošli put, kao što sam i iznio, odlučili da mi želimo biti u koaliciji sa narodom ove države. Mi pozivamo narod, sve iz naroda. Nećemo čak ni izlagati svoj logotip ni oznake, ništa. Mi pozivamo sve, Platforma za progres sve organizuje, ali nema oznaka Platforme za progres, stoga pozivamo sve, kojoj god stranci da pripadaju, da izađu i izraze svoju zabrinutost, i da

protestuju protiv stanja u državi. Dakle, čineći to, izbjeci ćemo pitanje da li pozivamo druge stranke ili ne. Mi pozivamo građane i sve one koji žele da dođu.